

HEADLINES (MORNING)

1. Chief Electoral Officer Dr. Lalrozaman Dampa bial Bye election neih tur chungchanga hriattur pawimawh inhrilhhriatna hun Political Party leh NGO-te a hmanpui.
2. World Sight Day nimin khan Pachhunga University College-a zirlai 100 chuangin an thih hnua a mamawh te tana mit pek an tiam.
3. Prime Minister Narendra Modia chuan ramchhunga digital lama thiamna hrang hrang chuan khawvel huapa a tha ber leh ngaihtuahna thar siam kawngah tihdan thar a tichhuak a ti.
4. Laszlo Krasznahorkai chu kum 2025 Nobel Prize in Literature dawng tura thlan a ni.

<><><>

CEO

Chief Electoral Officer Dr. Lalrozama chuan Dampa Assembly Constituency Bye election neih tur chungchanga hriattur pawimawh inhrilhhriatna hun Political Party leh NGO-te a hmanpui a.

CEO Dr. Lalrozama chuan inthlanna lo awm tura hriat tur pawimawhte sawiin, Mizoram pum huap inthlanna ni lova Constituency pakhata bye election neih tur a nih avangin Model Code of Conduct-in a huam chinah fimkhur a ngaih thu a sawi a. Tun tum inthlannaah hian ECI-in a rel angin polling station zawng zawngah ‘webcasting’ hmangin vote thlak lai endik a nih dawn thu a sawi bawk a. CEO chuan Mizorama inthlanna zalen leh dik neih a ni thin chu NGO-te hmalakna leh sawrkar nen thawhhona tha an neih vang a ni tih sawiin, Election Commission of India pawhin hemi kawnga Mizorama NGO-te thawhrimna chu an hriatpuin lawmawm an tih thu a tarlang a ni.

Meetingah hian MPF, CYMA, MUP, MHIP, MKHC aiawhte an tel a. NGO-ten inthlanna felfai leh tluang zawk neih a nih theih nan rawtna hrang hrang thlenin, thawhho dan tur hrang hrang an sawi ho bawk a ni.

Political Party hrang hrang aiawhte a kawmnaah CEO chuan Bye Election neih tura vote thlak nana hman tur EVM khawlte pawh en dik zel a nih thu leh Web Casting nei thei turin Polling Station-te pawh buatsaih mek a nih thu a sawi a. Inthlanna thianghlim, dik leh langtlang kalpui a nih theih nan Election Commission of India thuchhuak ngai pawimawh turin leh Model Code of Conduct zawm zel turin Political Party aiawh kalkhawmte chu a chah a ni.

CEO Dr. Lalrozama chuan Mizoram chu State dangte tana entawn tlak ni turin inthlanna felfai, langtlang leh thianghlim kalpuina kawngah Political Party hrang hrang aiawh kalkhawmte chu thawhhopuia a sawm a ni Thutkhawm ah hian BJP, MPCC, AAP, ZPM leh MNF party aiawhte an tel a ni.

<><><>

LPR-5

Mizo Writers Association (MWA) buatsaih, Lehkhabu Pho Runpui Thawh Ngana chu nimin khan Aizawl Vanapa Hall-ah Home Minister Pu K. Sapdangan a hawng a, MWA member-te lehkhabu ziah 15 a tlangzarh nghal a ni.

Pu K. Sapdanga chuan Mizote’n lehkhabu chhiar lama hma an sawn theih nana theihtawp an chhuah avang leh lehkhabu thaa Mizote an chawm avangin hnam tan an hlu hle a ni, a ti a. Lehkhabu lehlin pawimawhzia sawiin, MWA-te zarah tawng danga ziah lehkhabu tha Mizote’n kan chhiar ve thei thin chu lawmawm a tih thu a sawi a.

Minister chuan lehkhabyu chu mi ril zawkte finna mi mawl zawkte’n an tem ve theihna chhun leihlawn, finna dahkhawmna, zirlaite tana thiam zirna, kum upat hnua hriatna chak lo zel tur vengtu a ni a ti.

He hunah hian, Chief Information Commissioner Pu John Neihlaia chuan RTI Week puala RTI Act chungchang inhrilhhriatna hun a hmang a. RTI Act chu langtlanga sawrkar inrelbawlina a awm theih nana dan, mahni dikna chanvo, a tel lova awm theih loh a nih avangin mipuite’n an hriatchian a pawimawh tih sawiin, RTI hman tan a nih atanga kum 19 chhunga Mizoram Information Commission-a RTI zawhna lut zawng zawng chu 45031 niin, zaa 98 chu an chhanna dawnah lungawiin appeal zui a awm lo a ni, a ti a ni. Kan corr report lo ngaithla ang.

Mizo Writers Association hian Lehkhabyu Pho Runpui a buatsaih bakah Mizo tawnga lehkhabyu lehlin tha ber thlangchhuak thinin, Pawl 10, pawl 12, BA leh MA level-a Mizo subject-a tithate chawimawina – Ch. Pasena Proficiency Prize, Lalmama Proficiency Prize, R. Buchhawna Proficiency Prize, J. Malsawma Proficiency Prize – an hlan thin a. Ziakmite Chanchin bu li an chhuah tawh bawk a ni.

LPR-5 hawnnaah hian kum 2024 Lehkhabyu Lehlin Tha Ber Lawmman dawngtu, Pu Lalrinzuala Pachuau leh 2024 MAL Book of the Year Lawmman dawngtu Pu F. Vanlalrochana-te kawmna hun hman a ni.

<><><>

WILDLIFE CRIME INVESTIGATION

Mizoram Forest Officer-te leh Police Officer-te tana buatsaih Ni hnih awh ‘Capacity Building Training on Wildlife Crime Investigation’ Aizawla Forest Training School ah neih a ni a,

He programme hi Wildlife Crime Control Bureau (WCCB), Eastern Region, Kolkata leh Mizoram Environment Forest &Climate Change (EF&CC) Department te’n ‘Nungcha Humhalh Hapta’ vawi 71-na puala an huaihawt a ni a, nimin khan zawhfel a ni.

He training programme-ah hian ramchhung leh a bikin North East-a dan lova nungchate laka pawikhawihna thleng thin te en ho a ni a. Chipchiar zawkin The Wildlife (Protection) Act, 1972 leh court-a case kalpui dante zirho a ni.

<><><>

WORLD SIGHT DAY

Khaw hmu fiah tura mit enkawl that pawimawh zia inzirtirna ni, World Sight Day puala nimina Pachhunga University College-a hun hman naah zirlai 100 chuangin an thih hnua a mamawh te tana mit pek an tiam. Kan corr reprot lo ngaithla ang.

Kum 2000 atang khan kumtin October thla hian World Sight Day hman thin a ni a, kumin october thla hi vawi sawmhnih paruk hmanna tur ani a, thupui ah 'Love Your Eyes ' tih ani.

Kumin World Sight Day pual hian National programme for Control of Blindness & Visual Impairment leh Ophthalmological Society of Mizoram (OSOM) te tangkawpin nimin khan Pachhunga Universary College campus-ah hun an hmang a, mit enkawl chungchang leh a mamawh te tana mit pek a pawimawhna leh thatna te inzirtir a ni a, a thlawna mit entirna hun te hawn niin, eye donation tura pledge chhang mi 100 chuang an awm bawk a ni.

<><><>

HOME MINISTER

Home Minister Pu K. Sapdanga hovin Mizorama rel lo lutin nghawng hrang hrang a neihte nimin khan thlirho a ni a. Sairang Rel Station a Inner Line Permit (ILP) pekchhuah a nih dan leh document nei fello chung a luh ruk kawng a awm em tih Aizawl DC leh SP tangkawpin a hmunah chiang zawkin lo finfiah se tih a ni.

Kolasib SP Pu David H. Lalthangliana chuan ILP pekchhuah buaipui tur hian Bairabi-ah mi 8, Hortoki-ah mi 2, Kawnpui-ah mi 2 leh Mualkhang-ah mi 2 duty dah an nih thu a sawi a. Kolasib chhunga rel station-ah bik hian ILP 38 pek chhuah a nih tawh thu a sawi a. Sairang thlenga rel service a awm hnu atangin Vairengte a ILP pek chhuah leh Inter-state sumo service chu zaa 30-40 vel lain a tlahniam niin an hriat thu a sawi bawk.

Aizawl Addl SP Pu Lalringliana Pachuau chuan Rel station hawn tirh atangin ILP pekchhuahna counter pali(4) siam a ni a. A tirah police pariat (8) duty dah niin tunah hian paruk (6) dah belh leh an ni tawh a ti a. Nimin thleng khan ILP 4,064 pek chhuah tawh a ni a. Kutdawh pali (4) leh ILP nei lova Mizoram lo lut mi pali (4) man chhuah an ni a, heng mite hi thawn let leh an ni. Hei bakah hian Sairang Zero-Point ah a khat tawkin ILP surprise checking neih thin a nih thu a sawi bawk.

Meeting-ah hian Chief Secretary Pu Khilli Ram Meena, IGP (Headquarters) Pu H. Ramthlengliana, Home Secretary Pu Vanlalmawia Renthlei, Transport Department Secretary Pu Zosangliana te bakah Aizawl leh Kolasib District a sorkar official pawimawh te an tel a ni.

<><><>

AIR NEWS ON SOCIAL MEDIA

Chanchinthar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchinthar hi ngaihthlak leh chhiar theih a dah a ni. Vawiin chawhnu dar 2 leh a chanve-ah Chanchinthar puan leh a ni ang.

<><><>

MZP

Mizo Zirlai Pawl chuan Sairang rel station chu station a nihna tur ang la nilo tih hre reng chungin Prime Minister chu hawn tir a ni an ti a, Mizoram sawrkar la inpeih loh zia pawh chiang takin a hmuh theih a ni an ti.

He thu hi nimina Aizawl Press Club-a thuhthar thehdarhtute an kawmnaah MZP General Headquarters President Dr C Lalremruata chuan sawiin nimin zinga Sairang Rel Station tlawhin Inner Line Permit (ILP) pek chhuah dan zirchiangin a hmunhma te an enfiah a ti a, MZP chuan ngun taka an zirchian hnuah Sairang rel station chu station a nihna tur ang la nilo a, hei vang hian Mizo mipui ten harsatna an tawk tan mek a ni a ti.

Guwahati atanga Sairang Rel ticket a full reng lain ILP pekchhuah a tlem hle thung a, hei hian ILP neilo a bi bo tam tak an awm tih chiang takin a lantir tih sawiin September ni 14, atanga October ni 7 thleng khan ILP 3,852 pekchhuah tawh a ni a, kutdawh thawn kir hi 6 an awm tawh tih an sawi a, Sairang rel station an tlawh lai pawhin ILP neilo a a ruka chhuah tum mi 30 vel lai an man chhuak tih a sawi bawk.

MZP President chuan Bairabi leh Sairang inkar a station pathum : Hortoki, Kawnpui leh Mualkhang lamah pawh rel a tlan muang deuh a, mi tam tak an chhuk ni an hriat thu a sawi a, heng hmunah hian police duty awm ve mahse tam tak chu ILP neilo in an chhuah ngei an ring a ti a. Mizoram-a hnamdang lo lut te chu Tourist ang veka ILP pek an ni a, an lut lam chhinchhiah ni mahse an haw lam chiang taka chhinchhiah a nilo thung a, hei hian Mizoram-ah awlsam taka lut a, cham hlen ta tam tak an awm dawn tih a ti chiang hle a ti.

Sairang rel station an zirchiannaah hian ILP check leh pe chhuaktu Mizoram Police duty an indaih lo hle a, ILP pekchhuah chu manual a tih vek a nih avangin, a la fel fai tawk lo hle a, CCTV engmah vuah a la awmlo a, Gate mumal tak siam a la nih loh bakah hungna a tha tawk lova, X-Ray Baggage Scanner khawl pawh hman theih a la ni lova, Mizoram chu dry state a nih angin, Excise & Narcotics duty dah an ni lo bawk a, Parking area a fel fai lo hle an ti a, Station a duty zawng zawngte chu training pek ni se an duh thu an sawi bawk a ni.

<><><>

PM

Prime Minister Narendra Modia chuan ramchhunga digital lama thiamna hrang hrang chuan khawvel huapa a tha ber leh ngaihtuahna thar siam kawngah tihdan thar a tichhuak a ti.Nizana Global Fintech Fest 2025 Mumbaia neihah he thu hi sawiin Pu Modia chuan India chu khawvela

technology lama hmasawнна kairualna ber ram anih thu sawiin mitin banphaka siam a ni a ti a. Thlatinin ramchhungah UPI kaltlangin cheng vaibelchhe nuai 25 chuang chevel anga chhut anih thu a sawi.

Nimin vek khan Prime Minister Narendra Modia leh UK Prime Minister Keir Starmer te chu Mumbai ah hian an inkawm. He inbiaknaah hian hruaitu pahnihte chuan eibar zawнна kawnga thawhdunna tihchak an rel a. Zirna, technology, ralthuam leh mineral pawimawh bikahte thawhdunna uar leh zual turin an intiam a. Pu Modia chuan India leh UK te chu thawkdun awm tak an nih thu sawiin mipui rorelna democracy, zalenna leh dan lalna ram an nih thu a sawi a. Khawvelah remna leh muanna a awm zel theih nan leh eibar zawнна kawngah hausakna thlen zel turin an thawkdun tih a sawi bawк a ni.

<><><>

NO,BEL PRIZE

Hungarian thawnthu leh lemchan ziaк thin Laszlo Krasznahorkai chu kum 2025 Nobel Prize in Literature dawng tura thlan a ni. Nimin khan Nobel Committee chuan he thu puangin lawmmanah hian US Dollar maktaduai 1.2 a dawng tel dawn a. Hungarian mi he chawimawina dawng thei pahnihna niin kum 2002 khan Imre Kertesz chuan a lo dawng tawh a ni.

<><><>